

Gyaez Daengz Gizlaeg Mbouj Rox Ienq

爱到深处终不悔

□ Vangz Vazcingh / 黄华清

Vahsug gangj: Meh mbouj yiemz lwg ngawz, ma mbouj yiemz ranz gungz. Eiqsei gawq vah neix youq gwnz ndang Bohsam caeuq Mehsam yienhdwkdwk, daegbied Mehsam, vunzmbanj cungj naeuz de huk.

Bohsam bineix ndaej hajcib bi, ndaej samcib sam bi cij aeu ndaej yah, mbouj geij nanz seng miz daeglwg. Byawz rox, seng lwg seiz, aenvih dungxsaw noix, raen' gvangq mbouj lai, youh najmong launyaenq cam vunz, loek gvaq gij seiz ndei seng lwg, bouxlwg dingz youq ndaw dungx bouxmeh daiq nanz, ndoet gwn yangzsuij sanq haeu ukgyaeu. Canghyw gienq naeuz: "Ceiqndei mbouj ciengx lo, yangzsuij haeu uk daiq lai, ngoenzlaeng aiq mbouj rox byaij mbouj rox gangj, mbouj ndaej gag gvaqngoenz." Mwhhaenx yawj-naek lwgsai, Bohsam baenz laux cij aeu ndaej yah, danghnaeuz daeglwg mbouj lumj canghyw baenzneix gangj ne? Bohsam caeuq Mehsam siengi bae ngeix dauq, lijdwg daiq daeglwg ma ranz ciengx lo.

Ngoenz gvaq ngoenz, ndwen doek ndwen, daeglwg ak gwn rox ninz, yied ngoenz yied hung, yawj hwnjdaeuq caeuq lwgnyez wnq hix mbouj miz maz mbouj doxdoengz, couhdlg mbouj rox riu mbouj rox daej. Bohsam caeuq Mehsam hainduj simgip lo, doq daiq daeglwg daengz aen yihyen Nanzningz guh genjcaz, canghyw gangj gij gezgoj

caeuq gaxgonq doxdoengz. Daj ngoenzhaenx hwnj, Bohsam caeuq Mehsam yamq hwnj diuz loh raez-rangrang yw lwg, moix sam ndwen daiq lwg bae caeu lwd swiq uk, moix baez song fanh sam fanh, sai cienz-ngaenz ndaw ranz liux, youh laeng beixnuengx caencik ciq. Bi he gvaqbae lo, daeglwg cawzliux daej, mbouj rox riu hix mbouj rox gangj, lij mbouj rox naengh, bouxvunz lumj duznon mbouj miz ndok nei baiqbuegbueg. Canghyw gienq songde mbouj yungh caiq sai cienzngaenz daeuq yw lo, swnh seiz ba. Mbatneix Bohsam caeuq Mehsam caen daengx.

Couh yienghneix sat la? Caen mbouj miz banhfap la? Daj baezneix hwnj, Bohsam boux dog bae guhhong, Mehsam guh di hongrang, cienmonz buenx lwg guh gij yindung fucangq. Moix ngoenz haethaemh, cawzliux fwn hung byaj raez, cungj raen Mehsam got lwg lienhbyaij. Daeglwg cib bi ndawde, ndang lij mbaeu, fuz de lienhbyaij mbouj miz maz nanz. Seizneix, daeglwg gaenq ndaej ngeih-seiq haj bi, ndang sang naek gvaq bouxmeh, byaij loh ngeng hoz ngeng gyaeu, daengx ndang unqnamnam, ndwn hix ndwn mbouj maenh, byaij yamq saemxsax song sam yamq, dwgrengz sinhoj cij miz Mehsam gag rox. Vunzrog lwnhnaeuz: "Gaeu vaiz hwnj faex miz maz yungh?" Cungj rox

mbouj miz yungh, hoeng, cijaeu lij miz gaemz heiq, mboujguenj bouxwnq baenzlawz gangj, Mehsam couhdlg dingz mbouj roengzdaeuq, aenvih de cungj ienqhoij, ienq bonjfaenh nguh daeglwg. Couh yienghneix, Mehsam ngoenzngoenz lumj muimeuz gamz lwg nei got daeglwg byaij luengqhongh hwnjroengz seiq haj baez, daeglwg swenjaa mbouj siengi byaij seiz, de couh lumj hat vaiz nei maenj naeuz: "Bae, byaij, mboujndaej dingz." Doq fok doq nyoengx daeglwg byaij baenaj,

aen hwet van lumj gung.

Gwnzbiengz aiq maz cungj dwg gyaj dwg hoengq, hoeng gij gyaez bohmeu dwg caen, ciengxlwenx mbouj bienq. Mboujguenj bouxwnq baenz-lawz gangj, bohmeu daiq lwg daeuq daengz gwnzbiengz, buenx lwg maj-hung, hawj lwg vaiqvued, mboujguenj geijlai dwgrengz sinhoj. Mehsam couhdlg yienghneix, gyaez daengz gizlaeg mbouj rox ienq, cungj sij mbouj ndaej vut lwg, mbouj yiemz lwg caed, gyaez lwg mbouj bienq.



Doenghnaz heuswdswd Yungzsuij Myauzcuz Swciyen
Mbanjdunghliengz.

Lungz Linzei ingi.

Daengngoenz Baihdoeng Mbouj Rox Doek

东升太阳永不落

——Cimh Riz Bak Bi Cungguek Gungcanjdangj

——追寻中国共产党百年足迹

□ Cingh Swmungz / 清似蒙

4. Dingzhong Nauh Hoengghwd

"Haj·samcib" camjanq,
Gyoengq lauxbanj gay vunz,
Dangq sawqmwh hwnq rumz,
Fwj laep mbwn laep deih.

Gak dieg baez ndaej nyi,
Bouxbox miz dungx heiq,
Vunzrwix daeuq cauxsach,
Mbouj ndaej cuengq gvaq de.

Gvangjcouh caeuq Yanghgangj,
Ngeihcib fanh vunzhong,
Bouxbox cungj hozbongz,
Dingzhong nauh hoengghwd.

Dwng Cunghya(邓中夏) daiqdaez,
Yinx raeuz fanj apbik,
De banhsach daeklig,

Hen leih'ik vunzlai.

Dangjyenz Suh Cauwngh(苏兆征),
Caemh daeuq daiqlingx raeuz,
De ok geiq ok maeuz,
Lij guhdaez guhciegq.

Dingzhong ndwen doek ndwen,
Danguen ndi guenj ndaej,
Vunzlai baez fatheiq,
Hemq saeng deih saeng mbwn.

Gyoengq vunzfouq vunzrwix,
Deng swiq gaeuq mbouj caengz,
Ngoenzneix bok caengz naeng,
Ngoenzlaeng hit rox mbouj.

Boux gwn vunz fatcaiz,
Siengi ra dai couh daeuq,

Dou mbouj dwg gangj yaeuh,
Dou mbouj gangj guhcaemz.

5. Lajmbanj Rumz Caemh Hwnj

Lajmbanj rumz caemh hwnj,
Mwnqmwnq faenx mbin sang,
Vunz dawz gvak dawz hanz,
Geuh hai cang' yohaeux.

Bakfanh vunzguhnaz,
Doxca moeb dicuj,
Doq luet haeux aeu huq,
Cungj gamj guh gamj dang.

Vunz lailai daihdaih,
Lumj raemxhaij hwnjciuz,
Geq coih cienfanh diuz,
Naeuz mbouj nyiuz mbouj cuengq.

Boux ngaekgwn vunzlai,
Ngaiz dawz bae youzdaeuq,
Mauhceij daep gwnz gyaeu,
Lij deng saeuq doh ndang.

Ndaek lawz mbouj lauxsaed,
Faexgyaengh moeb riengz laeng,
Gaxgonq byawz ngeix daengz,
Doeklaeng miz ngoenzneix.

Biengz neix baenz biengz maz,
Cieng daemznaz hoengghub,
Seiqleqq luenhlublub,
Hakdoj yup gvaq ngoenz.

Fwnrumz geujhumhum,
Lumj seiqgyaiq caenhdaez,
Boux guhhong hanhhaeu,
Okdaez daeuq "caksah".

(5)